

SANCTISSIMI IN CHRISTO PATRIS  
ET DOMINI NOSTRI DOMINI

22

P I I

*DIVINA PROVIDENTIA*

P A P Æ S E X T I

SCHEDULA MOTUS PROPRII

S U P E R

Collatione Beneficiorum Ecclesiasticorum  
Status Avenionensis , & Comitatus  
Venaifini , ac Almæ Domus  
Lauretanae .



ROMÆ MDCCLXXXV.

Ex Typographia Reverendæ Camerae Apostolicæ .

ST. DOMINGUE NORTH DOWNS  
ST. DOMINGUE NORTH DOWNS

1811

DIVISION PROVINCIAL

1811

1811

1811

1811

1811

1811

1811

1811

1811

1811

1811

1811

1811

1811

1811

# PIUS PAPA SEXTUS

*Motu proprio &c.*



UUM alias fœlicis recordationis Innocentius PP. XII. Prædecessor Noster consuetudinem Sanctæ Romanæ Ecclesiæ Cardinalium ad Statum Avenionis , & Venaisini Comitatum de Latere Legatorum aboleverit , ac particularem quandam aliquot ejusdem Sanctæ Romanæ Ecclesiæ Cardinalium , & Romanæ Curie Prælatorum Congregationem usque ab Anno Domini 1693. instituerit , per quam novis tunc edendis regulis , ac ordinationibus Status , & Comitatus præfati impofterum regi , & gubernari deberent ; atque inter cæteras dictæ particularis Congregationis Resolutiones illa præcipue circa Statum Avenionis , & Comitatum Venaisinum præfatos sub die 6. Mensis Februarii ejusdem Anni 1693. capta fuerit , qua statuebatur = *Collationem Beneficiorum Majorum faciendam esse ab Illustrissimo Vice-Legato cum participatione Sanctissimi , quemadmodum prius fiebat cum participatione Cardinalis Legati* = ; & successive , nonnullis exortis difficultatibus super hujusmodi resolutionis interpretatione , in altera coacta Congregatione sub die 14. Mensis Octobris dicti Anni clariori distinctione explicata fuerit nempe = *Beneficia , de quibus Dominus Vice-Legatus ante eorum collationem certiorare debet Sanctissimum Dominum Nostrium , & pro eo Sacram Congregationem a Sanctitate Sua deputatam super negociis , & rebus Legationis Avenionensis , esse omnes Dignitates in Metropolitana , Cathedralibus , & Collegiatis Ecclesiis , Canonicatus earundem Metropolitanæ , & Cathedralium , necnon trium Majorum Colle-*

*Enarratio abolitionis consuetudinis Cardinalium de Latere Legatorum Avenionis , & erectionis Congregationis particularis Avenionensis .*

*Resolutio dictæ Congregationis super collatione Beneficiorum Avenionis .*

*Declaratio dictæ Resolutionis .*

giatarum Avenionis , & cætera Beneficia simplicia excellentia valorem Ducatorum vigintiquatuor auri de Camera , super quibus transmittat notam Concurrentium cum suis requisitis , ac significet Pensionem super iisdem reservari solitam : Quoties tamen in collatione præfatorum intrare possit jus præventionis , licere eidem Domino Vice-Legato illa statim conferre , reservata tamen Pensione pro Persona nominanda , si super illis reservari consueverit , & de eadem reservatione debere eundem Dominum Vice-Legatum similiter certiore facere Sanctissimum Dominum Nostrium , & pro eo præfatam Congregationem = Juxta quam dictæ particularis Congregationis Sanctionem Cardinales pro tempore ejusdem Congregationis Præfecti eorumdem Beneficiorum vacationes , illorumque respectu fructus , ac Pensiones super iis imponi solitas , necnon requisita , & nomina concurrentium referre consueverunt Romanis Pontificibus , qui , prout æquum in Domino judicabant , de ipsis libere disposuerunt : & licet hujusmodi gratiarum concessionem per Datariam Avenionis fieri debuissent , veluti forsan ab initio factum fuisse arbitramur ; nihilominus post aliquod tempus usus exinde invaluit , quod promiscue tam ab illa , quam a Nostra hic in Urbe per Literas Apostolicas sub Plumbo expedirentur .

Quumque subinde dictus Innocentius Prædecessor per suam Constitutionem , quæ incipit = *Sacro-sancta Redemptionis humanæ Mysteria* = sub Datum apud Sanctam Mariam Majorem Anno Incarnationis Dominicæ 1698. Nonis Augusti Pontificatus sui Anno Octavo editam , inter cætera ( Officio , Dignitate , ac denominatione præfatæ Sanctæ Romanæ Ecclesiæ Cardinalium Protectorum Sanctæ Domus Lauretanæ perpetuo suppressis , ) alteram particularem Congregationem nonnullorum ejusdem Sanctæ Romanæ Ecclesiæ Cardinalium , dictæque Curiae Prælatorum Lauretanam nuncupandam erexerit , illicque negotia Sanctæ

*Cardinales Præfecti dictæ Congregationis vacationes dictorum Beneficiorum Romanis Pontificibus referre consueverunt .*

*Alia enarratio suppressionis Officii Cardinalium Protectorum Almæ Domus Lauretanæ , & erectionis Congregat. Lauretanæ .*

ctæ Domus præfatæ, quæ antea per ipsos Cardinales Protectores expediebantur, commiserit, ac circa Beneficiorum præfatæ Sanctæ Domui annexorum, vel ab ea dependentium collationes statuerit nempe = Beneficia autem prædicta, & alia quæcumque cum Cura, & sine Cura Sæcularia, & quorumvis Ordinum Regularia qualitercumque qualificata, & ubique existentia, quæ ad collationem, provisionem, electionem, & quamvis aliam dispositionem præfatæ Domus pro tempore Protectoris quomodolibet pertinebant, ordinationi, provisioni, & dispositioni Nostræ, & Sedis Apostolicæ reservamus = ; Atque horum quidem Beneficiorum collationes ( postquam tamen Congregatio ipsa Lauretana dictæ Congregationi Avenionensi, ut accepimus, unita extitit, ) ad relationem dicti Cardinalis Præfecti juxta præstatum illorum Avenionis usum per Datariam Apostolicam, ( præter dispositiones Beneficiorum manualium, nempe Officiaturarum, Vicariarum amovibilium, & similium, quæ per Literas Patentes dictæ Congregationis Secretariæ, ) respectivè expeditæ fuerunt.

*Reservatio Beneficiorum dictæ Alme Domus ab Innocentio XII. facta.*

*Beneficia dictæ Sanctæ Domus etiam ad relationem dictorum Cardinalium Præfectorum post utriusque Congregationis unionem collata fuerunt.*

Nos igitur, qui inter innumeras imminentes curas pro Pastoralis Officii Nostri debito, illam propenso, atque studioso amplectimur animo, quæ præsertim in Locis sub temporali Sanctæ Romanæ Ecclesiæ Ditione consistentibus, unusquisque justitiam, & gratias per congrua Tribunalia consequi mereatur, Motu proprio, non ad alicujus super hoc Nobis desuper oblata petitionis instantiam, sed ex certa scientia, ac de Apostolicæ Potestatis plenitudine, tenore præsentium, Resolutionem dictæ Congregationis Avenionensis, illiusque declarationem præfatam, ac reservationem Beneficiorum dictæ Sanctæ Domui annexorum, seu ab ea dependentium hujusmodi a dicto Innocentio Prædecessore factam approbantes, & confirmantes, a præfatis Sanctæ Roma-

*Causa hujus Motus proprii.*

*Confirmatio resolutionis, illiusque declarationis dictæ Congregationis, & reservationis Beneficiorum dictæ Alme Domus.*

*Abdicatio juris a dictis Cardinalibus Præfatis se ingerendi in relationibus vacationum dictorum Beneficiorum .*

*Translatio dicti juris in Datarios , seu Pro-Datarios .*

*Mandatum Vice-Legatis Avenionis , ut vacationes dictorum Beneficiorum Datariorum , seu Pro-Datariorum significant .*

*Concurrentes ad Beneficia dictæ Almae Domus preces cum requisitis Datariorum seu Pro-Datariorum exhibeant .*

*Exceptio Beneficiorum manualium , seu amovibilium , circa quorum dispositiones Pontifex nihil innovat .*

næ Ecclesiæ Cardinalibus ejusdem Congregationis Præfatis pro tempore existentibus quodcumque jus , seu quancumque facultatem , etiam ex inveterato usu , & antiqua consuetudine , vel alio quovis titulo , aut privilegio acquisitum , seu acquisitam se ingerendi in relationibus vacationum , & collationum Beneficiorum Status , & Comitatus præfatorum , dictæque Sanctæ Domui annexorum , seu ab ea dependentium perpetuo abdicamus , illudque , seu illam sic abdicatum , seu abdicatam in Dilectum Filium Nostrium Andream Sanctæ Agathæ ad Suburram nuncupatæ ejusdem Sanctæ Romanæ Ecclesiæ Diaconum Cardinalem Negrone nuncupatum Pro-Datarium Nostrium , ac in pro tempore existentes Dataria Nostre Datarios , seu Pro-Datarios Motu , scientia , & potestatis plenitudine paribus etiam perpetuo transferimus , illique , & illis privative tribuimus , atque impartimur ; Mandantes propterea , ut posthac modernus , & pro tempore existentes ad Statum , & Comitatum præfatos Vice-Legati super collationibus Beneficiorum præfatorum à Nobis , & Romanis Pontificibus pro tempore existentibus faciendis , non dictam Congregationem , ut antea fiebat , sed dictum Andream Cardinalem , & Pro-Datarium , ac pro tempore existentes Datarios , seu Pro-Datarios præfatos certiorare debeant ; quo vero ad collationem Beneficiorum dictæ Sanctæ Domui annexorum , seu ab ea dependentium hujusmodi , Concurrentes ad illa preces cum suis requisitis ( Nobis & Successoribus Nostreis Romanis Pontificibus referendas ) eidem Andreæ Cardinali , ac Pro-Datario , & pro tempore existentibus Datariorum , seu Pro-Datariorum prædictis exhibere debeant , ( exceptis tamen Beneficiis manualibus , seu amovibilibus præfatis , circa quorum dispositiones nihil innovare intendimus ) : Quocirca eidem Andreæ Cardinali , ac Pro-Datar-

Datario Motu pari præcipimus, atque iungimus ut præsentēs Nostri Motus proprii Literas, & in eis contenta omnia ubi, quando, & quoties opus fuerit solemniter publicari, ac in Dataria Nostre Libris registrari, & per omnes, quos illa concernunt, inviolabiliter observari faciat; Non obstantibus usu, ac consuetudine, seu privilegio præfatis, ac, quatenus opus sit, Cancellaria Nostre Regula de jure quæsito non tollendo, aliisque in contrarium præmissorum forsan facientibus, quibus omnibus Motu, scientia, & de potestatis plenitudine paribus specialiter, & expresse derogamus, cæterisque contrariis quibuscumque.

*Deputatio Judicis pro publicatione, & observantia præmissorum.*

*Derogatio contrariis.*

Per præsentēs autem non intendimus facultates Dataria Avenionis præfatæ in aliquo imminuere, neque immutare, sed illas salvas, & illæsas, ac in suo pleno, in quo ad præsens, & juxta observantiam reperiuntur, robore volumus permanere: Ac præterea etiam volumus, quod sola præsentis Schedulæ Nostri Motus proprii Signatura sufficiat, illique, & illius quoque Exemplis, seu Transumptis etiam impressis manu alicujus Notarii publici subscriptis, & alicujus Personæ in Dignitate Ecclesiastica constitutæ Sigillo munitis fides adhibeatur ubique in Judicio, & extra, Regula quacumque contraria non obstante.

*Præservatio facultatum Dataria Avenionis.*

*Decretum quod sola Signatura Pontificis sufficiat, & fides adhibeatur Transumptis.*

PLACET J. A.

Datum Romæ apud Sanctum Petrum Nono Kalendas Junii Anno Undecimo.

*Registrata Libro 2. Edictorum, Chirographorum, & aliorum Notabilium Dataria Apostolica Folio 46. Hac die 25. Maji 1785.*

*Antonius Sigisnundus Sisti Officialis de Missis.*

